



Regd.No:19134/88

<http://www.kbc.org.in>

NAI/220/99

No-G-4/Regd./Magazine/KBCThuso/MNP-81

KBC THUSO

Kum 53 Ihinna

Lhamul/July 2016

50 447



24 ANTHAH LOP



17 JUNI



M. THINGJONG CENTRE CHURCH
HOBANTHAI KITHEN SO

CHRISTIAN NATHO

AUGUST EVENTS

- * KANGPOKPI CHRISTIAN HOSPITAL DAY - 21 *
- * YOUTH EMPLOYEES DAY - 28 *

Johns. 17:11

"Kapa theng, emi pumkhat lhi dang a amaho jong
pumkhat ahilheina ding-oi, (Nangman simathoi) hung in"

CONTENTS

THUMAKAI HO

1. Editorial/ Christian Natoh	1
2. Anthah lop /Pastor Haoneo Haokip	3
3. Nao chaga Esther/Rev. Lamkeng Lhouvum	6
4. Houbung mite taona ga/S. Letminthang Haokip	12
5. Mission Column	14
6. Finance Column	16
8. Men Column	19
9. Women Column	20
10. Youth Column	22
11. Christian Edu. Column	24
12. Literature Column	26
13. Report	27-35

EDITORIAL BOARD

<i>Chairman</i>	: Rev. Dr. Hawlingam Haokip, President KBC
<i>Editor</i>	: Rev. Ngamjapao Haokip, General Secretary
<i>Joint Editor</i>	: Rev. Silas Jangminlen Haokip
<i>Contributing Editors</i>	: 1. Rev. Letpu Kipgen 2. Rev. Henjalen Doungel 3. Rev. Onthang Haokip 4. Rev. Kaikhokam Chongloi 5. Pastor Paokhohao Haokip 6. Pastor Satminlen Khongsai
<i>Cir. Manager</i>	: Ms. Lhingjanem Haokip
<i>Design & Layout</i>	: Hemkholen Haokip

THUSO LAHMAN

Church/Organisation/ DepartmentRs. 200/-
IndividualRs. 100/- (Post a Rs. 200/-)

Indian Overseas Bank, Imphal Branch
A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 9612817768 Contact thei.
Circulation to kisai lam Mobile No. 9862633173 bol ding.



CHRISTIAN NATOH

Tulha July KBC, Events of Calendar chu ivet leh Lha Thupi chu, "Christian natoh" ahin, hiche toh kilhon in Editorial Column a chomcha kahin seinom in ahi. Ipi hijong leh tunichan na i-hin ching'u leh i-hin kaihoi'uva hingjing Pakai Pathen chu thangvah le vahchoijin um jing taken. Mihem tehi umthim theilou dynamic/dynamo tobanga hinkho mang ihi ahin, hijeha chu natoh kiti chu i-damsung uva atong ding chu ihitaovin ahi. Chule natoh kiti hi a jat atam in ahi, eg; khut le keng, tha le jung, heicha champong manchah na a natoh aum in, touna mun na lungthima geltho'a toh jong aum in ahi. Sun na toh ding aum in jan na toh ding aum in, chule In mun na toh ding aum in gam'a toh ding jong aum kit in ahi. Ipi natoh hitaleh abon cha a chu natoh akitin ahi. Natoh hicheh jong leh tunia iseinom u chu Christian te toh ding/ mopoh na tihi ahi, hicheho chu ihetthem theina dingun, anoija point phabep ana vekhom'u hite.

(a) Tahsa tah kipat doh a toh ding/ cheding, (Acts.13:1-3). Missionary natoh kitih koima jousea dinga thil bailam chu hilou ahi. Houbung masaho umdan chu ivetna ahileh; Antioch Houbung a chun tahsan chate ho chun Paul le Barnabas chu an-

ngol in taona aneipeh un Missionary dingin anasol doh taovin ahi. Hiche lai context hi phatah'a ivetna ahileh tulaija ama lung thanop jeha pathen thuseija moh che che hohi hoitah'a gelchet thei ding khat in aum in ahi. Ajeh chu Antioch Houbung ho chun Paul

le Barnabas chu hoitah'a An-ngol taona toh tho'a achung lhon na akhut'u angap'uva taona ana man peh'uva ana sol'u ahi ti i-mu'vin ahi. Pathen tilou mihemte leh Houbung ho tahsan miho bou chu Missionary'a che ding dol ahi dan kichen tah in akimun ahi.

(b) Thilpeh'a ti chu sumle pai, nei le gou'va Mission na toh ding, (LK.19:8).

Thilpeh iti tengle abailam vang chu ahipon ahi, Pathen in a chapa ihin pehlou'u hileh tunia eihon huhhingna hi ineilou dingu ahin, hijeh'a chu thilpeh kitihl thil nom ahipoi. Zacchaeus chun Jesu kichen taha ahinhet phat chun aneijouse it talouvin, Jesu christa kom'a surrender aboltan ahi. Jesun Twikoh chang manlu tah thulem asej chun, Loulaija kiselguh thullu mupa chun aneijouse ajoh a achoh ahidan asej in ahi. Hitobanga chu lhagao huhhing na dinga hi tha le jung, phat le nikho suhmang angaijin ahi. (Lk. 16:9), ah chun Jesun, "Chondih louna sumin jol le gol kistem un, sum chu abei tengle tonsot'a chenna chu amahon nachen sahna ding un," tin asej in ahi. Sum chu mihemten adih lam'a iman chah leh pathen natoh na jong ahin, lhagao huhhing na a jong pang thei chule Lallukhuh san na ding jong ahi ti imu've.

(c) Taona a Christian ten Mission na toh ding ahi, (Mtt.9:37,38).

Pakai Jesun lhagao mangthai ding ho agelkhoh in, chule amaho huhdoh a aum theina dinguva taona apoimo dan asej in ahi. Ajeh chu lhagaova hinna neilou ho khu aching bei kelngoi toh atekah in ahi. Taona kitihl thil nasatah bol thei ahi dan imu'vin ahi. Elijah chu gojuh louna ding in ana taovin, kum thum le lhagup gamsunga go aju tapon, chu in atao kit le go aju kit in ahi, (Jacob.5:17). Hitobang hin Jesun jong taona anakhoh sah in, tunia eihon jong pathen lenggam'a lhagao mangthai ho ipuilut theina dinguva Jesu heng'a taona toh tho'a pan ilah ding'u ahi, hiche hi Christian te pathen natohna thupi tah khat chu ahi.

Pathen in phat thei ibohpeh tao hen, Amen.

ANTHAH LOP

Haoneo Haokip

Secretary, Litt. & Publication, KBC

Cover Story



Kaneolai chun kakho-uva chun tulai (July/August Iha) phat donlai le hin "Anthah Lop" kiti hi Houbunga kanabol jiuvin, kolbu, changmai, donkho, chule adang dang lhosoh/ga masa ho tamtah tah ana kichoikhom ji'n, Houbung mi jousen tuitah le nom tah in anakinekhom ji'n, lenkhom (Pathen vahchoi la sahkhom) nomtah in anakibol ji'n, lhosoh gamasa ho nehkhom keuseh hilouvin donthei cha jong ana kidonkhom jie. Tukum'in jong hiche phat (anthah lop phat) chu ahung lhung kit ta'n ahile kaneolaiya kakho'uva kanabol jidan'u chu kageldoh in, kalhangai lheh in, kalung jong ahel lheh e; ajeh chu tu khangin thil jouse joh thil'a achephat'in hitobang lom'a kiman na hi katohkha behseh tapoi. Thinglhanga loubolna mun ho'a lhosoh ga putna mun phabep'a chutobanga kibol/kiman na um maithei jongle adeh in phaitol vel mun ho'a Pathen thangvahna'a anikho akiman jeng tilouvin chubang lom'a til'a banga neng jeng junga nehkhom-donkhom akiman'na um behseh talouvin akilange. Ipi chu hitale tukum sunga din Anthah Lop iti'u phat chu ahung lhung kit ta'n ahi. lchen na'u gamsunga hindan to kitoh in tulai phat hi bu'a ineh pipen'u chang/changpal vang alhung hih laiyn, ahi'n muchi/chivo ilhona'uva to-

hga masa kolbu changmai, donkho kitiho le an'a nehthei gamasa dang dangho alhung ta'n ahi. Chuto lhon'a gelding chu: ibol'a hiche gamasa ho chu kitoh khom'a "Anthah Lop" iti'u hi kibol khoh khoh ji hintem? Van le leiset. chule asunga um mihem te le thilsem dang jouse hi Pathen sem ahi'n, Pathen'a kon ahi. an'a nehding/kivahna dinga

gaso thei muchi/chivo ituho'u jong hi Pathen'in an'a ineidiuva (ikivahna diuva) ahinsem ahi; hitobang thilho eisempeh'uva ga hinsodah pa Pathen phatna ho het jingleh geldoh jingna'a Ama henga kipa phondohna le thangvahna'a ibolji'u ahipen'e.

Ahung Kipat/Ahung Umdoh Dan Tulaiya "Anthah Lop" iti'u ibolji'u hi Christian te dinga ikingapna'u

lekhabu (Bible) ivetle masang-lai pu le pa te Israel te khanga anakipan ahitai. Kitepna Lui (Old Testament) a Thempu Dan (Leviticus) kiti lekhabu ivetle Lhosoh Thilto, Ga Masa Kut, Lholhun Kut kitiho akimu'n ahi. Lhosoh thilto'a anakitoh ho chu akihonlou suhlou changbong neldisel, thaotwi kichap khum'a gim namtui to kihal (Lev. 2:1), meilhum sunga kikengsa suhlou changbong neldisel (Lev. 2:4), khangbel'a kikengsa thaotwi kihalsa shulou changbong neldisel (Lev. 2:5), chule changkung thah mong monga ki-at-til cha meiya kihulgo lhosoh ga masa (Lev. 2:14) kitiho hi ahi. Ga Masa Kut'a hi, Israel te chun Pathen'in apehna'u Canan gamsung ahunglut'uva agamsung gamga alo tengule changpal ga masapen chu thempu pa henga ahinchoi dingu, chutengle thempu p'an changpal chu cholngah nijing, hapta/kal (Week) ni masa ni chu le athenso ding ahi. Lholhun kut kiti hi, Israel te'n chol solou changlhah kut kichai ni'a kon'a asimuva, ni 50 ahiloule hapta/kal sagi lhin nile amadingu ahi. Hichelai phat chu suhlou chang (Wheat) lhung masa lokhom lai phat ahi (Ex. 34:22). Hiche kut nikho le hin Israel te'n lhosoh ga masa thilto, chamna thilto, kitiho hi atodihi ahi. Hiche thilto ho chu thilto theng hiding ahi. Hichea lhosoh, ga masa, ahiloule lholhun thilto'a anakitohdoh ho hin, Pathen'in mi-hemte hinkho'a neh le chah thilpha bulhingset'a ahinpeh jeh'a Pathen phatna ho het jingna le geldoh jingna'a Pathen thangvahna'a kibol ahi. Hiche hi tulaiya Christa tahsan

chate'n (Christian te'n) "Anthah Lop" itiu'uva iboljom jingu ahi; ajeh chu tulaiya Christa tahsan/Christa nungjui (Christian) te hou le beh'a ikikouna'u 'Christianity' kiti hi Israel te sakho'a kon,a hung kipan peh ahi; ajeh chu itahsan'u le ijuiyu Christa Amatah chu Jews (Israel) mi anahi ahi. Christa hungkondohna Israel te chu Pathen namlhen (Pathen mi) te anahiuvin, Chrita tahsan chate jouse chu Christa ja'a Israel te banga Pathen mite'a kisim ihitauve. Hiche Pathen mite chon'na le thibol chu tulaiya pathen mite eiho'n jong ichepi jom jingu ahi.

Thil Kitoh Ho'n Avetsah/Aphondoh

Thil kitoh ho chu moh'a kitoh ahipo'n, masanga Israel te le tulai Christian te dinga avetsah/ako/aphondoh umchih cheh ahi.

1) Lhosh thilto chu chi soding ahi (Lev. 2:13; Mt. 5:13); hiche chi kiso chun Pakai le Israel te kikh'a suhkeh theilou kitepna chu avetsah ahi'n, hiche chu "kitepna chi" kiti ahi. Hiche thilto hin tulai tahsan chate (Christian te) hinkho'a jong vetsah aneiyyin ahi. Lhosoh thilto chu sunkhum tho hihen haltho hijongle thilto chu Pathen'a dinga lahthei/santhei doltah gimnam tuitah ahitheina dinga thaotwi to halding ahi (Lev. 2:1-2, 4, 6, 15); hiche hin tepi beiya Christa'a Pathen Lhagao Theng bulhingst'a um chu avetsah ahi'n, hiche hin lhagaova dimset hinkho avetsah ahi (Jn. 3:34). Hiche thil kitoh hin eihuh hingpu'u Pakai Jesu Christa phatna bulhingset chu aphondoh'a, Christa chu hin'na changlhah ahina le eihon

ihou'uva athu isim tengule aman eiho lhagao hinkho'a twi achapnou jingna jong aphonдох ahi.

2. Ga masa kut'a gamasa thenso nikho le chun Israel te chun Pakai henga pumgo thilto'a todinga kumkhat lhingsa nolna bei kelngoi nou khat atodiu, chule lhosoх thilto'a dinga thaotwi to halsa suhlou changbong neldisel atodiu, hichu pakai anga gimnam tuitah dinga meiya govamding, chule donthei lengpitwi thilto ding jong atodiu ahi. Pumgo thilto'a kitoh kelngoinou chun Israel nampi Pthen'a dinga kikatdohna le kipehthengna chu aphonдох ahi; lhosoх thilto le donthei thilto chun nehding donding ho chu Pathen'a kon ahi, ti ageldohsah'u ahi (Ps. 104:15). Hiche Ga Masa Kut hin Christ chu a-imumilho dinga ga masa ahi, ti avetsah ahi (! Cor. 15:20); ajeh chu Christa chun athi le akivui chu muchi kitu to atekah in ahi (Jn. 12:24); Paul'in Jesu hrista thokitna chu ga khoptupna phat hidingin aseiyе (! Cor. 15:35-49). Hiche Ga Masa kut hi cholngah ni jing ni masa ni'a kipan ahi'n, hiche nikho chu Christa athi'a kon'a athodoh nikho ahi. Jesu Christa thokit banga tahsan chate jong tahsa thina'a kon'a lhagao hinkho'a ithokit diu ahi.

3. Lholhun Kut'a kitoh lhosoх ga masa thilto, pumgo thilto, donthei thilto, chonset thilto, chamna thilto kitiho chu thilto theng hiding ahi; ajeh chu Pathen chu atheng ahi'n, Pathen'a dinga kitohдох thil chu atheng/thilto theng hiding ahi. Lhosoх gamasa thilto'a kimang

changlhah lhon ni chun Judah te le chidang namdang chu Christa jal'a thakhat/khat ahina avetsah ahi (Eph. 2:15; Gal. 3:28)

Chunga kisei lhosoх/ga masa/lholhun thilto'a kitohдох thilho hi Pathen'a kon ahi'n, Pathen'in mi-hemte hinkho'a neh le chah thilpha bulhingset'a ahinpeh jeh'a Pathen phatna ho het jingna le geldoh jingna'a Pathen thangvahna'a kitoh, Pathen'a dinga lahthei/santhei doltah'a kitohдох thilto theng hiding ahi, ti kichetah in akimu'n ahi. Hichea igeldiu chu, tulaiya tahsan chate (Christian te) eiho'n Anthah Lop ibol tengule Pakai pathen phatna ho geldoh'a, Ama thangvahna dinga 'pehlou/tolou phamo' tia it pum pum/chip pum pum'a to maimai/peh maimai hilouva, Pathen'a dinga santhei doltah le lahthei doltah dinga ilhosoх gamasa lah'a ahoipen pen/aphapen pen ho chu lung thengsel le kipah tah'a kiphal theng tah'a itohдох diu ahi. Lhosoх ga toding neilou ho'n jong lhosoх ga khel'a Pathen thangvahna dinga kiphal tah'a sum le pai tothei ahi. Hiche chu eihon ilunguva thutah le lhagaova dihtah'a Pathen ihouna'u hiding ahi. Hiche ni'a ithil todan/ithil peh dan le ikimanчah dan chun i-Pathen houdan aphonдох ahi. Ithil todoh ho'u nomtah le kipah tah'a inekhom/idonkhom'u chu athupi na'n, hiche sanga thupipen chu ithil toho'u le ikimachah na'u chun ichan'a i-Pathen houdan'u aphonдох am ti chu athupipen ahi. Hiche thu'a hin Cain le Abel teni ucha thusim geldoh'ute.

Nao chaga Esther a kona KIHILNA

Rev. Lamkeng Lhouvum

(Esther .4:16b)



*“ Chuteng le dantoh kitoh lou ahivangin kei-
ma lengpa henga galut jeng ing ting, hhe a
chu Kaman thah lo ahi jongle kamanthah
lo hitante ” ati.*

Thumakai

Ahasu-e rus lengpa hi golvah bol bol jeng lengkhat ahi. Amahin golvah abolna hi munthum'a akimun ahi. Amasapen chu nikho 180 bolin, (Esther.1:4), abanin nikho 7 abkolkitnin (Esther.1:5) chuleh athumna jong chu nikho 7 ma abolkitnin ahi.(Esther.1:9) chuleh E#sther golvah kiti khat jong anabole.(Esther.2:18) Adihtah khat-vang chu mikhat Leng (King) a kipansah hi hitobanga golvah bol bol jengding tina hilou ahi. Mikhat chun abolding dol abol louva ahileh

Pathen in agelnachanlung louding ahi. Itobang phatna chu Pathen in eikoiham ti het angaijin ahi. Ahasuerus lengpa hi gamlenta chungin, lengvaipon apangin India gam jong ajaove. Ahin aman atohding dol atongpon ahi.

1. Esther lekhabu alamdan nachu ahileh

Esther lekhabu a hin Pathen min jong ajaopon ahi. Ahin Pathen in Esther amangchan Haman'a kona Juda mite kitha gam nadinga hi, Pathen in Juda mite huhdoh nadinga hin Esther amangchan amangchan ahi. Ahasuerus lengpa vang chu ju adonin golvah abol boljin, achainan athitan ahi. Esther lengnun vang Jehovah ahoujingin ahi. Esther lekhabu a Pathen min akiphapohpoi. Ajeh ipi ahidem? Esther lengnu chu amanchah nom jeh ahi akiti.

Mordecai chun lengnu Esther kom'a "Hitobang phat khohpetna nangma lengnua nahungpan khah kit nahungpan khah kitlou kilou kon aheth dingham?" ati (Esther .4:15). Hiche a Mordecai hin aseidoh nom chu Pathen in lengnu (Queen) a napansah hi man na nom naneije atina ahi. Hitobang Judate kitha nading atohgon aum

hi Pathen in nangdia thilgon anei hinte ati. Pathen in thil lentah tah agong jin, akithopi ding (Partner) din mi ahollin ahi. Pathen thilgon chu mihemte tonsot hinkemlou peh mai mai hilou ahi. Eihon van gam lut dingmai iseijun, amavang Pathen in van gam chu alunglai na miho lah'a aumsah nom ahi. Ei holah'a pentah thubep iseijun, hichu ase ahitina ahipon, ahinlah akilhandoh sa ho bep kilhandoh kit kit atame.



Thulhunthah (NT) ho lekhasun khat in nathuseina na a Chonset leh Huhhingna thu bou bou chu nasei ahileh Chonset umdan (Sin management) bou nasei ahi ati. Hiche ahidingle kipana thupha iseiho hi Kipana thupha akehkhat (Half Gospel) bou iseidoh bepu ahi. Pathen in hiche leisetna vangam lhung jengding ati ahipon amavang hinna eipepao chun "Hina ineibehcheh nadiu" (Abundant life) adei ahi. Ihin kho hi van gam'a lenglut mai mai ding Pathen gel hilou ahi. Tupetna na jong vangam a umsa bang'a hinkho nomtah'a

umding'a Pathen in eikoiju ahi.
 2) Itih eiho jong kigong chaisa ium thei diuham?
 Esther lengnu chu lengnu ahinad-ingle lenpa angsunga adin nadin kum khatjen kigotna aneijin ahi. (Esther.2:1-ff). Pathen in eikoin-aomun cheh'a ga isodoh diu le Christa jal'a nasatah'a pang dinga eideiju ahi. Christa helou ho la'a ium khah u jongleh lamkai hojong ana umtah lou jong leh eiho chu man na nom eineiju ahichu het angaijin ahi.

Haman in Mordecai ama anga bohkhup dia adeija abokhup loujeh'a avetda goh hilouvin masang lai a patna Amalek mite toh galkisat laiya patna kipan ahitai atiuve. (Exodus 17:1-ff). Haman in danthu le kivaihopena asema (Law and order) Judate thagam ding ati ahi. Hiche thu ho chu ajih lutsoh phatna Esther kipan ahi. Haman thu isei teng leh ama hina kiletsah tah'a um mi ahiti iheovin ahi. Amana gel khoh pen chu Mordecai a-angsong a akhupbo akunding chu ahi. Mikiletsah ho thu a lekha kisun khat **"Live Like Jesus"** eima hina kiletsahpi thu ajihna a chun **Rev Ellen hitin aseije "Ego"** kiti hi "Edging God



out" Pathen chu mun chom'a koidoh (Putting God outside) tin ahi. Hitia kiletsah ho hinkhoa a hin Pathen lalna mong mong umlou ahi. Houbung lamkai khat in, **"Hiche mite hin keima eijabol loutah'a ahijongleh katouna beh ajaboldiu ahi ati"**. Igamsunguva mi konkhat hin lamkai hina (Leadership) atulouleh boina sem tei tei aumjin ahi. Boina asem louleh ihmtheilou iumjiuvin ahi.

Boina Hoububg sung, jatlenam boina, insung boina mihem in tampi aneijin ahi. Ahinlah Haman tobang amading bou agel'a kei koi kahi nahet louham tia boina nei tampi aume. Sermon khat chu **"Nang le nang kikhai lihna dia Thingpel/khom kitun pa"** (Building your gallows akitin ahi. Haman chun Mordecai kikhai lihnadia Thingpel feet 75 a sangkhat asem ahin, achaina in ama akikhailih tan ahi. Eima kikhailihnading chu kihemasleh Thingpel chu feet 75 sang chu sem ngailou ding amavang feet 7 hojong lhingset ding ahi. Ama chun akikhailih chu mijousen amuding atup ahi.

Ego chu aphalam'a isei phat leh **"Exalting God only"** (Pathen bou choiat ding ahi). Milung neo

hon mi aseï seovin ahi. Haman kisahlelna chu Mordecai suhmang ding bou ahi. Eimi ho jong ikisuhto le mi seiset set ding bou ahi. Thuchih khat in, **“Milung neohon midang chung chang a akihoulimun, milung len hon itih kibol le phadiham tin aki houlim-un ah”** (Small people talks about others, but great people talks about ideas) atin ahi. Thuchih khatman, “Musaona neilouvin imacha aboldoh pon, Ngailutna aumlouleh khohsahna, gelkhohna aumpon, Pathen pang louvin eiho imacha jong ihipouve” (Without dream we reach nothing, without love we feel nothing, without God we are nothing) atin ahi.

Israel nam mite manthah nading thilgon aum chu Pathen in amudoh tan hiche laitah a chun Pathen in Esther hi ahin mangchan ahi. Esther hinkhoa a konin thil li (4) veohite.

1. Mihil thei hina lungput an-eije:

Esther chu lengnu ahitai. Ahin akhoh laitah’a Mordicai thulhut chu agel khohpeh in ahi. Kei lengnu kahitai nangman ima nasei angaitapoi ati thei na din mun alhung tai. Lengnu kahitan nangman ibol’a nei hilham atipon

ahi. Lengnu milal tah, loupe tah hijong leh apaham, anu ham khat’in ahilna sangthei lou, ngailha thei lou tampi aume, Esther gun hoi-tah khat chu Mordecai thumop chu angaillah peh in ahi. Lamkai konkhat aloi apajin ipi seijongleh, nang ho thusei laponge, keima thu thu bou hiding tinom tampi akiume.

Bob Buford sut lekhabu “Half Time” a aseina a chun mikhat hinkho hi kum 80 kihing ding hileh kum som 40 alhinteng ahinkho chu akehkhat che ahitai. Kum 40 naphah masanga chu ipi ham khat boldoh ding nadei ho chu nahiding ahitai. Kum som 40 jouva pat nahin kho chu het thei tah melchih theitah (Significance zone) nahisah angaijin ahi. Milolhing tah danin umin lang ahin mi-



phacham nahilou leh Lolhinna nei phat chom na umlou (Success without significant) nahiding ahi. Nangma munlen khatna touvin lang koima cha n jabolna neihih lechun nang chu milolhing tah nahiding miphachom vang nahilou ding ahi. Houbunga ding, Society a dia miphachom hiding hi thil khohtah khat ahi. Mihemkhat in Pathen thilgon ihet pou pouva ahileh nang jong Pathen thilgona

chu jaonahi nahet ding ahi. Esther hin Pathen thilgon ahen, mihilthei kingainem tah in aumin ahi.

2. Taona ngaisang mi ahi:

Esther chun hitobang Juda te kisuh mang nading thu ajah chun aman abolmasahpen chu Taona ahi. Amite jouse nithum sunga

taona amandiu thu aseijin ahi. Amaho ataodiu keoseh aseipon keihon jong kasohtetoh taona Kaman diu ahi ati. Bible in hitin aseije, “Chutengleh keima thalhengin an ngol-
luvin, nithumsungin

asun ajaninan nelou, tuidonlouvin umjenguvin, keileh kasoh numeihon jong nang ho bolbang bangin boluvingting, an kangoldiu ahi.”(Esther.416)

3. Kiphal thengna lungchang aneijin ahi.

Taona amanjouva aboldinga aseodohpen chu, kiphalthengna aneijin ahi. “Dantohkitoh lou ahivan-
gin keima lengpa henga ga lut jengin tin, hichea chu **Kamanthah lo a ahijongle kamanthah ding hitante**”(Esther 4:16b). Esther lengnu hin nam mite huhhing achan nading ahipouleh ama tah mangthah ding chanin akiphal-
thengin ahi.



Numei chapang khat aneova neo, agona gong khat aumn ahi. Amanu hin I cream lentah khat achon ina konin ahin kichoidoh in aneh gotle, mi khat in, **nangla neocha khat nahin, na I cream la len pitah ahi.** (Your I cream is so big but you are so small). Chapang

nun “**Katahsa hi neo cha hijong leng kasunglang, kalungel vang aletna len ahi**” ati. (Though my body is seems to be very small but my inside is very big) atin ahi. Lam-
kai hina (Leadership) thu iseiphat leh tahsa letle neo thu a kisei (body size) ahipon, amavang

lunglen iti ho chu ngaichat/ gelk-
hoh ding khat ahi. Mihi neo jong-
gleh lunglen aumin, len jongleh lungneo aumin ahi. Tunia ngaichat pen chu Pathen ahet jeh’a lunglen ho ahi. Esther lengnu jong athusei louip tahkhat chu, “Kaman thah lo jongleh Kaman thah lo hitante” ati hi o he itih loupe a hitam, kiphal thengna nei lengnu ahi.

Dr Paupu thusei na a khat kalung thim tongkha tah khat chu “*Nelson Mandala chu kum 27 jail’a um ahi. Akoinao chu songlah’a cement kikoi ho lah’a akoiju ahi. Room chu ivet’a ahile neocha khat ahi. Toilet jong umlou jan leh tuidopna (Barked) khat le plastic*

khatakoipeh jiuvin ahi. Ajun a-eh ho chu hiche sunga chu akoija ajing teng Toilet a ama ma man, agakikoidoh chihcheh ji a kum 27 sung hitia chu hinkho aman ahi. Hitobang kum 27 hinkho chu melmate ngaidamsa hungdoh ahi. Kiphal thengna lentah nei lamkai mintthang Nelson Mandela ahi.

4. Pathen thahatna akiphong dohtan ahi.

“Chuphat in lengpan jong aseitai”, *Hiche thingpel chungu chun amajoh hi khailith taouvin*” ati. (Esther.7:10). Pathen in thil kidang tah agongin, hiche guilhun thei nadingin Nao chaga Esther amangchan ahi.

Pathen in mihem avet dan hi, ahungkon dohna insung (Background) avepon, amavang amanu amapa avet ahi. Pathen amanchah thei mikhat hiding chu athupi in ahi. Mi khat chu ahungkon dohna haosatna, minthan nahosangnang in mihem amapa amanujoh chu Pathen in manchah dinga ahol ahi. Pathen thaneina chu nang chungu aumleh thilbol doh theina thanei na pa chu nang chungu umding ahi. Naocha chaga Esther chu Pathen inamangchan ahi. Pathen thilgon hi mohseh a (accident) a

umdoh khatcha jong aumpoi. Hihun chun eiho hinkhoa hin Pathen thilgon ho leh doiletup ho aumcheh in ahi. Pathen thilgon sunga hin sukhel aumpon ahi. Hihun chun Pathen thilgon chu tahsanin. Mi kon khat in kei London khopi a kapen lou kakisih e, timaithei ahi. Hinlah pen namun chu koiman akhel theipon, nahungpena na nu, napa (Parents) jong koiman akhel

thei ahipoi. Hihun leh Pathen in Esther naochaga bon aman chah’a athe ahile, Pathen manchah thei khat hina dingin hungkondohna insung leh pen na mun leh nahung khangletna mun ho sangin Pathen in na-

hinkho joh avet ahi.

Thuchaina:

Esther hin idia chaga a kahungpen ham? chaga a kahungseilet ham ati maithei ahi. Chaga hilou hileh Mordicai kom’a umlouding ahi. Chaga hilouhileh Pathen thu jong kiseipeh louding ahi. Amavang Pathen in thilgon aneijin ahi. Vasti chu alam (dance) dingin ananom henlang hileh Esther chun lengnu hina chan loupe changlou maithei ahi. Pathen in thilgon ban neicha aneijin, hiche ho lah’a chu ei ho jong I jaovin ahi.



HOUBUNG MITE TAONA GA, PATHEN PHAT THEINA KACHAN

Amasan Houbung mite jouse min lah a min ngaipen i-Pakai Jesu Christa min in Kunming khopi akon in Chibai kahin bol e!

Pathen lungset kachan nale houbung mite taona ga jal'a naheng uva lekha thot hin neithei kit ah tahsa damna tuni chan'a kanei jalin Pathen kahin thangvah in, tuni chan ah taona le thumna ah eihin tosot jing houbung mite, insungmite chule changval chungga kaki pana sangtah in kahin phong in ahi. Chule achesa 16th June chu China kaum kal lha li (4th months) kalhin nikho ana hitai,

1. ACCOMODATION

Ge nale touna ding gelpha lou khop in Kolkata apet Kunming, China kana jonin, ahin houbung mite le eingailu cheng taopeh najal in ki-ngah nading gol phatah khat Pathen in eina koipeh in ahi. China kaga lhun chun Chinese New Year ana kiman jing lai tah ahi jeh in university le college ho jouse jong akihon nailou jeh in kaloi pa Jim H. Panmei, MBC in atosot pa inn ah School of International Education, Kunming University of Science and Technology kana jut kah in ama inn ah kana pansa in, neh le chah ijakai eina bouipi in ahi. Hatsah genthei nikho'a eikithopi thei gol phatah Pathen in eipeh jeh in kaloipa Jim jalin Pathen ka thangvah in ahi.

2. INTERNATIONAL SCHOLARSHIP

Tutua kaum na International Hostel room hi jat nin ahom khen in ahi. Khat chu ahile China government in Scholarship apeh hobou room khat'a mini (2 Bedded) um thei chule kei ho tabang chomkhat'a pao hung jil hohi room khat'a mili (4 Bedded) ah aum sah jiu ahi. Ahin Pathen kho-tona le houbung mite jouse taona jalin international scholarship room kana lo thei in ahi. Ahithehi lou hithei sah Pa Pathen ahi jeh in thangvah sang tah kahin pin ahi.

3. ROOM MATE

International Hostel room kana lut masang in Pathen henga room mate phatah kanei nading in taona kana nei in, 2nd March, 2016 nin hostel kana lut in ahile ka roommate pa hi Cambodian ho ahin, tupat tadi hin mi het-hem le khoto tah khat ahina kalval in ju le sa'ah kingol sah lou khat ahi jeh in kilung toh in kaum khom thei lhon in ahi. Ahin ama hi Buddhist hou tahsan khat ahi jeh in jaan kaemut ding kon chule jingkah kahung thodoh seh le taona kanei peh jing in ahi. Houbung mite jousen jong neihin taohu diuvin kahin tem un ahi.

4. FOOD, WEATHER & CLIMATE

Inn lang hotoh kaki hou mat le eihin doh masat pen uh chu abu uh naneh thei hinam? Agam nom nasah hinam?...etc ahi. Pathen phatthei boh kachan jong hintin, India kaum lai apet in Pathen natoh toh kisai ah India sung state chom chom kakal son teng jong le neh le chah chule agam kito mopi bouina kanei pon ahi. India kaum lai in Chinese chopsticks (mol kangni) ah nekha loupun tuhin Pathen jalin vaset set in kaki neh thei in, abu ame uh nehmo, donmo kanei pon ahi. Chule agam uh jong asat teng hasat lou, atam jon adap in, athengset set in nom kasah in kalung among lheh in ahi.

5. FRIEND'S

Pathen jalin kaum na Kunming khopi sunga jong eihil, eisei peh le eikithopi thei ding gol le pai phatah tah Pathen in eina gon peh jal in Pathen ka thangvah in ahi. Hiche hochu ahile Nagaland akon Ms (Amangthai holah ah natong) ho phabep le Manipur akon mi ni ahi. Indian Ms Community Kunming khopi'a um jat mong hi agom'a mi 19 tabang kahi uvin ahi. Chule Pathen jalin agam neite (Chinese) jong gol le pai in kanei thei tan, tu le tua Chinese gol ah kanei hi mi 5 (Frank, Mark, Luke, Ben & Ted) ahin, amaho hi university students ngan ahin, taona'a kagel doh jing pantan, houbung miten jong neihin taokop jing diuvin kahin tem un ahi. Mark le Luke toh 19th March nichun kihet chilbe nadin restaurant ah dinner kaga neh khom pin relationship

build up kabol jing laitah ahi.

6. INDIAN COMMUNITY

Pathen lungset jalin kaum nagam Kunming, Yunnan Province sung'a hin Pathen natong India gam'a kon mi phachompi kaum khomun ahi. First Sunday seh le kabon un Pathen houkomna, Pathen eimapui naule kahahsah naho kasei khomji un, kaki taopeh, kaki tilkhon ji un ahi. China kana lhun in jong ana umsa hon kipahtah in eina lem un, tilkhouna le kahet lou ho tampi eina hil un, tuni chanin kahet lou chule kabouina ho jousea amahon jong eikithopi jing un ahi.

Thuchaina: Hichan'a phattheina le vangbohna eichan jalin Pathen kathangvah in ahi. Pathen in tahsa damna eipeh jalin Chinese pao kajil jom jing in, English Corner (EC) le Inn Houbung ah Pathen na katong jing thei nalai in ahi. Hiche ho jouse hi houbung mite taona le panpi najal ahi jeh in, houbung mite jouse chungu kakipana kahin phong in, Pathen kathangvah kit in ahi.

Pathen in KBC houbung jouse amang thai khohsahna, ngailut nale gelkhohna lungchang eihin pi jing uh henlang – taona lam, kal sondoh nale pan nathei (sum le pai, nei le gou, iphat..etc) lam'a pontho tah'a pan la jom jing thei din phathei eiboh jing tauhen!!

Pakai'a natoh khompiu

S. Letminthang (Mimin) Haokip

Mission Co-Ordinator,
SEA, Kunming, CHINA

LEPLEN GORKHALI MISSION QUARTER THENSO HITA.

Leplen le akimvella um Gorkhali ho laha Pathen natoh amachal ding deina jallin Pu Paokholam Haokip, Leplen haosapun agam munlenta mission centre din ana toh doh in ahi. Pastor Lettinlal chongloi khanga anakipan tohgon chu Rev. Jangkholen Haokip gambih pastor hinan gambih lamkai hole houbung mite kithon insah ahung kipan in achesa 15th June 2016 nin Rev Henjalen Doungel Mission secretary kbc kin thempu hinan kot hon nale Pathenna lhandoh na ana kinei tan ahi. KBC mission board thalheng in Pu

Thanglam Manlun in kipathu asej jin chule Manipur Meitei field supervisor khat hinan Rev. Ibomcha in kipa thusei houlim na anei jin ahi.



Hiche quarter sah na dinga Leplen Haosa

pu in agam ahin todoh ahijalin KBC mission board in saipikhup khat akisil peh in chule hiche gama Gorkhali ho laha Pathen thu ana polut masa pen Dr. Yampao Haokip jong Saipikhup khat akisil peh in ahi. Kipa vetsah nan gambih in vohcha khat athat in ahung kikhom mipi ho jousen ankong akisoh khom in ahi. Gambih lamkai ho le agammite hapan na jalla insah doh a um ahijeh in abon cha chung u va pathen minin kipa thu akiseije. Evangelist khat chenga tua lhah hiche mission centre hi vetsuina anei jing ding ahitah jeh in hiche gamhop a gorkhali chengho laha mission natoh hi machal na lentah hung um tante ti kinep aume.

Tuhin hiche mission centre a hin Evan. Kamal Tamang le ain sung mite apan saovin Pathen na atong uve. Alohin jing nadiu vin Pathen henga taonan gel doh jing u hite.

KBC MISSION HOSTEL (TEZU ARUNACHAL).

Tuni chana KBC Mission board in hin kiboi pi jing Arunachal gam Tezu khopia Hostel kisa chu chai kon lam ahung hitai. Hiche hostel hi room lhing tah a kisa room 22 ahin room khat a mi 2 umna thei dinga kigong ahi. Tuhin compound fencing, kot le window ho chule ceiling le latrine bathroom sembe ding avatnalai jin, chule asunga ngaichat Lupna touna, table chair chule adang dang avatnalai je. Hiche hostel hi warden khat in ahin vetsui

ding nehle chah jong common mess a bol ding kiti ahi. Hiche gamkai ja isopiu Mishmi nam mi them jil lai hon Pathen aheth diu deisah jalla Govt. college komlai tah a hiche hostel hi dinga kigong ahi. Apath cha joa aum thei nah le lhagao hinkho sema pathen natong ihi nao bana mission a dia income source khat jong hisah ding ti doi le tup ahi. Hijeh chun hiche hostel hi jothenga auma agangthei penna natoh ipat thei nadiu vin houbung mite jousen itao nao va geldoh jing u hite.

PATHEN THANGVAHNA/KIPATHUSEINA

1. Meitei Baptist Church, Tribal Colony mun a iataonao jal in Pathen in na atong in achesa lhasung a mi 9 lhagao huhhing in aum in ahi. Ama ho chu Jacob, Raju, Blessy, Mangal, Javed, Moraji, Aunto, Jyoti le Mena ahiuve. Pathen thangvah in um hen. – Pastor A. Sen.

TAONA NGAICHAT

1. Evan. W.Loken chapa Paresch hi tule tua Bible sim ahin dam a ahinchai thei na ding in taonan kop jing u hiute.

2. Pastor Mangkholen Kipgen, Wangjing Meitei Field a natong ahin, mipaova va thusei ahi jeh in hamle pao atep a Pathehn manchah aghitheina ding in taona angai cha jing in taokop ute.

3. Urban Baptist Fellowship, Thangmeiband a um Bilasini nu hi Cancer natna nei ahin, tule tu hin Tata Cancer Hospital, Mumbai mun a kijeh ahin adam theina ding in taokop u hiute.
–Pastor O.Ranjit Khuman

4. Ukhongsang Mission Field mun a Salvation Camp kibol ding tohgong aumjeh in alohin theina ding in taonan kop ute.
– Evan. Th Premishore

5. Pathen hinhoh Pathen thu a lunglut nanei aum in Pathen dihtah ahin-kimu thei nadiuvin taonan kop ute. Amaho chu: Ramesh le insungmite, Meena le insungmite, Chule Twilut ding jong phabep aum in amaho chu: Tikaram Tamang le Subash Tamang ahihlon e.
– Rev Jeetan Gajmer

FINANCE COLUMN

KIPA THUSEINA

Minlah'a min ngeipen Jesu Christa minin KBC Houbung mithengte jouse Finance Department na konin kangailutnao Chibai kahin peuve.

Achesa lha ho'a Evangelist phabep Gambih sunga Pathen thua hihen, sum le pai thua hijongle kahin solna'a Pathen min'a ngailutna neitah'a neh le

chah gena touna ho, chule Pathen thua nakiman khompi jeh un Houbung lamkai ho le mipi te chungang sangtah in kipathu kahin phonge.

Ahin kisol ho le a Gambih No.

1. Evan. Thangboi Kipgen, Gambih No.2,8,9
2. Evan. Lamhen Kipgen, Gambih No.4,15,16
3. Evan. Lamthang Doungei, Gambih No.3,7,19
4. Mr. Paolunlal Kipgen, Gambih No.11.
5. Evan. Lhingbem, C/C Canan veng, Imphal, C/C S.Kannan veng Lamka, C/C Tuibuong, C/C Singat Thadou eng, C/C Hill Town.

Chungang kisei Gambih Pastor ho chule Board of Deacon le Gambih lamkaiho chungang seithei lou kipathu kaphonge. Pathenin Houbung le gamsung phatthei boh jing taken.

Pakai Lhacha,

Rev. Letpu Kipgen, Finance Secretary, KBC (I).

MBC CHUNGA KIPA THU SEINA

Achesa 2016 April - May lhasungang aith-a ana umkhalou Gelchang lhah (hailstorm) jeh in KBC Houbung le gamsung tami ana tongkhan ahi, adeh in Gambih No.16 sungang houin phabepi asuh setna chungang ima lentah kithopina kineijou hih jongle akham kham in pan akilan ahi. Manipur Baptist Convention (MBC) Finance Department'a kon'a Dangka 30,000/- (Thirty thousand) eihin kithopina chungang KBC pumpi thalhengin sangtah in kipa thu kahin phonge.

Pathenin Manipur Baptist Convention (MBC) tule khonungin jong phatthei boh jing taken.

Pakai lenggam'a natohkhompiu

Rev. Letpu Kipgen,
Finance Secretary, KBC.

Social Work

June 7-8, 2016 niho teni chu KBC Head Office a staff ho jouse, General Secretary pa lamkaina in numei pasal khentum umlouvin Staff Quarter thah Latrine ko ding ana kilai khom in ahi.

CONSTITUTION AMENDMENTS



STITUTION

NT BILL

KOUNA

***KBC Constitution semphat ding
ngaikhoh a ihet hou
July 31, 2016 masang a
General Secretary KBC
henga jihtho a pehlut dingin
temna leh hetsahna
ahung kineiye.***

***Rev. Ngamjapao Haokip
General Secretary***

KIPA THUPHON

Tukum 19th June, 2016 Pate Nikho lolhingtah a akiman chai thei tah jeh in Pathen thangvah in umtachen. Chule Speaker a kinganse ho akinganse bangga gamla hihen nai jongle ngailutna le gelkhohna neitah a nache jeh uvin nachung cheh uva kipa thu Men Department thalhengin kahin phonge. Chujongle Houbung miten ahung kalsong ho Pakai jalla nana kimanchah khompi uva thilpeh hihen neh le chah hijongle kitup tah a nabol pehna chunguva kipa thu kahin seije. Pathenin phatthei naboh jing taohen. Amen.

Pakai Lhacha,

Rev. Kamboi Chongloi, Secretary, Men Deptt. KBC.

MEN DEPARTMENT TOUR REPORT

Tukum KBC Men Department Assembly a kisei bangin Men work Committee tour KBC No.19 (Ekou Mulam gamkai) sunga 8-12, June 2016 sungin akiche in ahi. Tour akiche sungin Pakai jallin Houbung miten vailhun, vaikon lhunna, gena, neh le chah kitup keijin eibol peh uvin achunguva kipathu kahin phonguve. Chule Tour sung a Dr. Haopu Simte, Men Work Committee pu makai in Free Medial Camp akibollin lou le ai jong akimoh hoppeh'e, hiche ho hi Dr. pu Pathen natohna ahi in Pathennin phatthei boh jing taken.

Tour a che ho:

1. Rev. ST. Onmang Haokip, President Men Dept. KBC
2. Pu Haokhongam Haokip, Men Work Committee
3. Pu Dr. Haopu Simte, -do-
4. Pu Jamlal Zou, Vice President,
5. Rev. Kamboi Chongloi, Secretary, Men Dept.KBC
6. Pu Holpao, Driver, KBC
7. Rev. T. Thangkhosei Haokip, Gambih Pastor
8. Pu Paolal Haokip, Chairman Men Dept. No.19.
9. Pu Hegin, Secretary, Men Dept. No.19.
10. Pu Haochon Kipgen, Treasurer, Men Dept. No.19.

Pathenin Gambih mite phatthei boh jing taohen, Amen.

Pakaija natohkhompiu,

Rev. Kamboi Chongloi
Secretary, Men Dept. KBC.

KUKI BAPTIST CONVENTION, MEN DEPARTMENT

One Day Seminar

August 4, 2016, Chapel Hall, KBC Office

Organised by Men Department KBC

Sponsored by Shalom Bible College KBC & Rural Community Development Society

Resource Persons

1. Rev. Dr. Letthang Haokip, Principal, Manipur Theological Collge
2. Rev. Kaikhokam Chongloi, Secretary, Men Department KBC
3. Rev. Silas Jangminlen Haokip, Director, Shalom Bible College

Invited Artiste: Ms. Thengnu Haokip

Program Coordinator : Pu Zamlal Zou, Vice President, Men Department

Tentative Schedule

- | | |
|---------------|--|
| 7:00 - 8:00 | Arrival and Breakfast |
| 8:00 - 9:00 | Devotion and Men Olympic DVD Releasing Program
Minister: Rev. N. Haokip |
| 9:00 - 10:00 | Session I |
| 10:00 - 11:30 | Session II |
| 11:30 - 12:30 | Session III |
| 12:30 - 1:00 | Feed back and Discussion |

Note: Seminar a pang ding hochu

1. Gambih Men Work Committee member jouse
2. Centre Church Men Committee member jouse

1. KIPA THUSEINA

KBC Gambih No. 8 Nute hon achesa nisim 12/06/2016 2nd Saturday ni hin Lydia vilna ahung neijun, chapangho tilkhon nale taopehna toh thon Rs 7000/- (Seven thousand) only in jong kithopina ahung neijun ahile achunguva kipana alenin Convention Nute jouse thalhengin hiche KBC Thuso hi mangin kipa thu ahung kiseije. Lydia mun hi KBC Gambih No. 8 hopsung ahitoh lhonin tuni chan geijin Lydia khantou na dingle chate ho ngailut nale, Pakai ngailutna jallin visit bol leh taona hung manga lamchom chom a panpina hinpe aum jing theijin Pathen ithangvah uvin chule amaho jouse chungu kipa thu avel vel in isei uvin, amaho jal in Pathen thangvah na ipeuvin, Pathenin phat thei boh cheh tao hen.

WOMEN COLUMN

Pathen lungset in Nuten Lydia mun a i-na toh nao amachal jing thei in, taona pum'a pan nahin lah jing thei jal un tuni hin Lydia Girl's Boarding jong ikipat nao lhali bep hinalai jongleh tuhin Boarders mi 9 ahung umtan Pathen thang in um hen. Ponkhong jong Nuten kiboipi hole ama le ama ki support a ponkhon jil ho agom mi 8 aum uvin, hijeh chun Houbung mite hon Lydia mun a chate ho ahiuvin, Warden, cook le Instructor adam cheh theina diuvin na taonao ngai chat ahijenge.

2. Working Women Hostel Imphal:

KBC WW Hostel hi tutua Nute mopoh na noiija um ahitoh lhonin, Seat hi 45 Students capacity ahin, tukum New batch Student Apply bol mi 20 lah a 15 akilan, amaho list tahdoh ahitoh lhon a athah hung umding hon Admission First July, 2016 a ahung kibol uva hung umpan thei ahitai tin Notice jong akibol tan, hijeh chun muntin a Houbung mite hon chate lekha sim KBCWWH a um chate hon tahsa le lhagao chule Education lam khantou machalna anei uva akhonung uva dinga Foundation phatah akisemdoh nao munpha ahina din taonan hin geldoh jing ute.

3. Women One Day Seminar Report :

Pathen lungset na jallin 30th June, 2016 (Thursday) nikho hin Office Chapel Hall a KBC Women One-Day Leadership Seminar chu mi.45 akikhom doh in lolhing tah in akichaitai. Mihila pang (1) Rev. Ngamjapao Haokip, Gen, Secy, KBC (2) Rev, Lamkeng Lhouvum, Pastor KBC No.7 amani chungu kipathu ahung kiphongin, chule Program a minchonga pan hungla ho jouse le neh le chah sem a eipanpeh hou, Sound langa mo eipoh peh hou Chujongle Gambih tin a Nute lamkai (Delegates) ho chungu Convention Nute jouse thalhengin kipa na thu sangtah ahung kiphonge. Pathenin phat thei naboh cheh tao hen.

4. Nute Laapi ho Cassette :

2007 kum a Nuten Laapi ho " Pakai dia Numeipha." Vol- 1 anakisem chu tuhin Motion le Track chule MP- 3 in Copy phabep akithah sem kit in adei aumle KBC Book Room le Office a Women Secretary nu kom a aman baitah a muthei ahitai. Cassette khat Rs 50/- ahi.

Lhingjanem Haokip
Secretary, Women Dept, KBC

FLEX PRINTING MACHINE THUA HETSAHNA

Youth te sulepai dinmun akiven hahsatna tamtah aumtah jeh in sumle-paiya ihung pilhin nadiu lampi ahung kigong pan in, hito lhon chun lamkai cheng in jong pan ahinlan Flex Printing Machine hi tukum sunga chohdoh nateiding kigong jing ahijeh in, KBC khangthahten jong thilki-bol hi ihetthem uva pan ilah khomdiuva temna hung kinei ahi. Adeh a eiho iha pan lou uleh lolhing jou ponte, pan lakhom utin ahung kigon dungjuiyin chekhom tongkhom jing utin, lunggel molso nadin taonan jong geldoh jing ute.

Houbung hihen changval hijong leh hiche chohdoh nadin youth ten panpina akingaicha lneh jengin, nulepa pileup,oubung miten jong neihin kithopi jingdiuva temna kahin nei kit ahi. Hiche akiboldoh leh Convention phatchom nading ahijeh in pan lakhomdia ngehna kihin neiijing ahi.

BIBLE QUEST THUA HETSAHNA

Tukum Youth Department te tohgon na noiya hung kibol kitding Bible Quest Application Form ahung kithot gamtan, muntin a khangthahte lamkaina noiya kigong hijong leh Nulepa Pilepu jaocheh dinga kigosa-dem a ina umjing diuvin kahin tem u ahi.

Hito lhon chun koitobang Form kithot lhomsa iumnah lai ujong leh kijat-matna neiya kilahbe jing thei nalai ahi. Adeh'a Gambih le Centre Church a Youth lamkai hon phatah a ina boipi jingdiuva Pakai min'a kahin temkit nahiuve. Chuban ah Exam Center jong ahung kibe jingin, India sung langa um Kuki chate jong tukum hatah a pan ahinlah diu ahin, lekha thot a Exam center dingho kihin hensah ding ahi.

SHARE THUA HETSAHNA

Convention Youth Department tohgon ho ahung kiboldoh jing nadinga hin lung le tha akije khom jingin, hito lhon Pakai jallin mach-alna ahung umjing in ahi. Ahinla maban a tohding bolding tampi aumnalaijin, July lhasunga patna umthim manlouva kihung chaljing ding ahitan, tohgon molso nadin sumle pai dinmun hi aboilheh nalaiyin ahi. Assembly-a Gambih share ana kihop dungjuiyin tuchan'a Gambih Share hinpe hi akivetleh Gambih 20 lah' Gambih 3 hambou ahinalaiye. Hijong chu lhingsetna pe umloulai ahi. Hijeh hin malam tohgon hi lungdon aumthim tan phatah a Gambih sunga kineppi umtah Youth lamkai hon gelkhoh jep taleu hen tia hetsahna kihin nei ahi. Gelthem cheh utin phatah in pecheh taute.

ZAI-THEM THUA HETSAHNA

Tukum Kuki Baptist Convention sunga Khangthahte lah a Lasathem hetdoh/holdoh nadin, Zai-them boldinga hung kigong chu Gambih jouse jong kigo sadem'a um ahito lhon in Form jong ahung kithot dohgam tan ahi. Hiche keu hilouva Aumna ding Gamkai ho jong ahung kihetsah in, Poster jong ahung kitahdoh gamtan, muntin a Zai-them lhangsap jing utin, hito lhon in thanom tah in pan lakhom jing ute.

KBC Khangthah jousen Gambih sunga Top 3 cheh inalhendoh hou chu thanom tah'a tosotna ihin neicheh uva, Zai-them kibolna jousea jong thanom tah'a panla jing dinga ikigot uva, ihung kalson jing diuva jong hetsahna hung kinei kit ahi.

CENTRAL CHOIR MATTRESSES

KBC Youth Department in ahin boipi jing Central Choir hi Pakai jallin ahung chaljing in, hito lhon chun Lajil a achenauva gena touna genthei tah a aum u akihen, chule min 30 val ahijeh in houbung in jong hahsa tah a aboipi nauva gentheina atonau jong akihen, hijeh chun Matress hi chohdoh nading ahung kigong jingin, Pakai ngailu loilepai ho panna jallin chohdoh in aumtan ahi.

Hiche chohdoh nadia pan hinla ho chu:

- | | |
|--|--------------|
| 1. Gl. Ngangam Haokip (Saivom) | – Rs. 5000/- |
| 2. Gl. Goulen Haokip (Langol) | – Rs. 5000/- |
| 3. Pastor Onkho Haokip (New Lambulane) | – Rs. 3000/- |
| 4. Gl. Haoneo Baite (Litan Sareikhong) | – Rs. 3000/- |
| 5. Gl. Seiminlun Chongloi | – Rs. 3000/- |
| 6. Pastor Satminlen Khongsai – Youth Secretary | – Rs. 1500/- |
| 7. Ng. Vavah Haokip (Chassad Avaneue) | – Rs. 4000/- |
| 8. Ng. Thethem Haokip (Langol) | – Rs. 5000/- |
| 9. Nl. Boinu Haokip (Chassad Avaneue) | – Rs. 5000/- |

REVIVAL PROGRAMME LOLHINGTAH A CHAI HITA

Achesa Nisim 20 a pat 22 May lha sungin Centre Church, Chassad mun'a kisuh halna Programme akimangin, Thuseijin Pastor Haopu Haokip, C/C Salem Village Sapormeina apangin, Pathenin amangchan lolhing tah in akichaitai.

Thupi : Nalampi hou le nathil bol hou kistem phat uvin (Jer. 7:30)

Pathenin Houbung mipi ho lhagao lam kalsena le Speaker pa mapuijing taken. Kakipah'e.

Pastor Lunzalen Khongsai

Kuki Baptist Convention Khangthahte lah-a Zai-them-2016 kitetna

Prizes:

Top – 1 Rs. 50,000/-

Top – 2 Rs. 30,000/-

Top – 3 Rs. 20,000/-

Consolation Prize: Top 10

Amun:

Audition/Screening : July 16, Phaitol Gamkai

First Round : August 20, Sadar Hills Gamkai

Second Round : September 10, Chandel Gamkai

Third Round : October 13, Lamka Gamkai

Final Round : November 18, Phaitol Gamkai

Note: Phatle nikho kipeho aboinading aumleh hung kihetsah ding ahi. Aumna ding muntah jong aphant masang ngeiya hung kihetsah ding ahi. Thuchen henom hon, KBC Music Master kijahmat pi thei ahi. # 9862539378

Organised By: Youth Department, Kuki Baptist Convention, India

COLUMN

CHRISTIAN EDUCATION BOARD

KBC Christian Education Board a kon muntin a um Christa Houbung mitheng te ho I-Pakai Jesu min in ngailut Salam ka-hinpeuve. Tukum kumkim chan Alungsetna'n eihinpuijinguva, tohgon thilgon tampi a machalna aum jing theijeh in Pathen thangvah in umhen.

KBC Houbung mite ivangphat nau chu Mimasaho, tichu lamkai ten khonung ding SAOTAH amujal'uva ana phudoh u Christian Education Board hi tunichan'a I- chepijing Ministry bahkai khat ahin ahi. Ahung kipat a pat Secretary ho khat pen pen in Incharge a ahinpoth tha jingu ahin, khantou machal dungjuja tukum a kipan Full time Secretary khat in aboipi dia ikiphatsahnau toh lhon in Rev Onthang Haokip in mopohna ahinla'n, Board member mi 7 toh ahinboipi jingun ahi.

Noija hin CEB kumkim chan kimanchahna a machalna ho(Brief Report) leh maban'a tohgon ho phabep achom lam tah in Houbung mite, adeh a KBC Thuso sim ho hetsahnom jal in aki hintah lang in ahi.

1. March 1 – Joining Report peh a Office kaipat ni or kikhut khelni.
2. March 12 – Edn./Board member lhingset in 1st Meeting akitouve
- 3 April 1 – Office ngaichat khoh ahijal in LENOVO All- in-One Desk-Top Computar thah khat akilamdoh in ahi.
4. April 7 – Constitution Article XV(d) dungjuileh Board in kiphat-sahna aneisa dungjuijin Kanggui Christian Collge Joint Account Signatory akiboldoh in, akichepi theitan ahi.
5. April 9 – Education Board Member mi 5(Nga) Ojapu Mangcha Haokip, Principal HM H Scool Ccpur CEB memberpu Gari Scorpio mangcha'n Dr Colvin Academy vil'in akichen, Haolenphai Mission Compound a Residential Hostel Semi Pucca Building thah khat asah u jong visit aga kibol in, pachatna leh tilkhouna Jong ahin kineipiuv in ahi.
6. April 25 – Dr Colvin Academy Moreh a jong Joint Account Signatory aga kiboldoh tai.
7. April Sung hin Theological Students Scholarship mi 5 Rs 10,000/- (Rupees Ten thousand) cheh akihop pehuve.

Tupet dinmun a CEB in kiboipi tohgon ho hi:-

1. UGC – 12 B mutheina dinga College building ho tukum sung neija sahjou teiding.
2. NOC – Council of Hr Sec. School(Class XI - XII iboltheina diuva No Objection Certificate deldoh tei ding.
3. Khonung a mi vet thei School/College ho ineidoh theijuva, khangthah lekha them, Govt. service neilou laiho ahilouleh Pathen natong dinga hung kipedoh ho koi hileh lung nachim taha imanchah theina diuva ngaito saotah ineiju angaijin, jochan'a kiboipi jing ahi. Hiche tohgon ho amachaltheija ilolhin theina diuv in Houbung miten neile gou, lungthim le tha ipan khomuva Taona a jong igeldoh jing diuv in tem ihuive.

Pathen in KBC Eucation Ministry phatthei bohjing taken.

LITERATURE COLUMN

KBC HOUBUNG MITE HENGA HETSAH LE TEMNA

KBC Houbung mite jouse Pakai minin ngailutna Salam kahinpeuve.

63rd. KBC General Assembly, Centre Church, Molnoi Area'a kiphath sah na (Res. No. 10:63:2016: Literature and Publication Recommendation No. 3) dungjuiyin, tukum (2016) a pat a Senior le pilhing Sunday School themvetna (Exam) ding dan (System) akikhel tai. Hiche dungjuia kigot nading dan hi aphot le nikho kitup theina dingin Literature & Publication Committee Meeting, 13-04-2016: Res. No. 1 a kiphatsahna dungjuiyin anoiya kipe bangin ahung kithet sah e.

1. KBC Calendar of Events a kipe Sunday School themvet na nikho (4th December, 2016)'a hi ama ama Houbungin themvet na akibolding, abolchai chaiyule Answer Paper avetchai paidiu, ama ama Houbunga asangpen 3 (First, Second Third) ho chu 11th December, 2016 ni le ama ama gambih a Convention Level themvet na a pangdiu ahi.

2. Convention Level a themvet thudoh (Question) Office langa Literature Department a kon'a hung kithot ding, themvet na hi ama ama gambih Pastor le gambih lamkai ho vetsuina noiya umding (gambih Centre ahiloule mun kilem pen khat a Conduct aboldiu), Answer Paper jouse chu Exam kichai chai le gambih Pastor pa ahiloule gambih lamkai khat pen pen in Office langa Literature Secretary kom'a ahung thah ding, Answer Paper chu Office langa kiveding ahi.

3. Convention Level themvet na'a asangpen 3 (First Second, Third) ho chu Convention Level a kipaman le Certificate kipeding ahi.

4. Ama ama Houbunga themvet na a thudoh (Question) hi gambih lamkai hon asemding ham, ama ama Houbungin akisemding ham ti hi ama ama gambih kiphatsah dungjui hiding ahi.

5. Conventon Levl Exam'a Ding Simmun

Pilhing : Thutan Vaihom ho (Judges), Simmun 1-32.

Senior : Christian te Tahsan thu Kihil na, Simmun 1-28

Question semding dan (Question Pattern/Sample) hi Senior a jong pilhinga jong, Pilhing Simmun a thudoh kisemdan ho kijuiding ahi.

6. Senior Class a themvetna hi 'Christian te Tahsan Thu Kihilna' kiti pa bou hiding ahi. Hiche themvetna'a pangding jouse ama ama Houbungin ageipen a August 2016 sunga Pastor Haoneo, Literature Secretary kom'a

themvetna'a pangding mijat ihetsah cheh diu ahi.

7. Chapang langa (Begiiners to Intermediate chan) vang hi ama ama Houbung thu le mopoh na ahitai.

8. Chunga kiseiho jeh in pilhing kumlhun themvet na'a pandingho Office langa minkhum (Enrolment) inaboljiu chu bol louding ahitai.

9. Chunga kisei thuho hi lungset tah in gambih pastor le lamkai hon igambih-uva Houbung ho phatah a iseipeh-uva ihet them sah tei diuvin taona le tem na ahung kineiyi.

M. Thingjabong Hou-in Thenso ana hita

Houbung lamkai ho, building committee holeh kho haosapu hapan najal in M. Thingjabong Hou-in chu June 17, 2016 nichun Rev. Ngamjapao Haokip, General Secretary KBC in thensona ana neitan ahi. Hiche nikho chun Rev. Dr. Hawngam Haokip speaker in ana pangin, KBC sunga centre church hung kipatdoh dan thusim leh akibol lona ajeh ho ana seijin ahi. Hiche nikho chun avel a houbung holeh gambih hoa konin houbung te kipa thilpeh chom chom ana choikhompoh uvin

ahi. Gah hetthei khat chu tukum kumbul a chu KBC General Assembly in M. Thingjabong hi Centre Church khat ahitai tia ana phondoh panbep ahin, tukah a hou-in pucca building atundoh jeng uhi pachat louthei ahipouvin, kipapi umtah ahivu. KBC thusim a dinga jong Hou-in pucca building a kisa holah a kisadoh gang loipen hitadingin ginchat ahin, agunchu nao leh atom ngai nao chungu pachatna akipen, Pathen thangvah in umta hen.

TEM NA

Sunday School Collection hi angaiya Office langa ithah jiu ahito kilhonin lungset tah in Office langa kitup tah in hinhah jingute; ajeh chu Literature department a hi lekhabu joh na'a kon'a atong themcha cha tilou sum muna (Source of Income) dang umlou ahin, lekhabu johna a atong themcha cha kimuho hi Exam Question Paper tana, Sunday School Teachers Training le natoh na dang dang bolna dinga lhingjou jilou ahi. Hijeh chun Houbung miten ihingel khoh cheh-uva, Department a dinga Houbunga kon'a Source of Income inei sun sun-u Sunday School collection ho Office langa phatah a ihinhah jing diuvin Pakai minin temna ahung kineiyi.

Pr. Haoneo Haokip
Literature Secretary

HOUBUNG LA LE LADEILHEN

Inahol jingu Houbung La le Ladeilhen chu eima'a ding hihen, lekhabu joh hon johson ding hijongle KBC Office'a Literature Department'a kon'a ideijat jat'u ikichoh theyyu ahitai. Houbung miho, Houbung lamkaiho, Pathen thusei jingho dinga manchah dinga phatah tah lekhabu: Nikho Kinit ho, Gospel Hangsan ho Thusim, chule lekhabu dang dang ideijat jat'u ikichoh theidiu aume; kichoh cheh-utin simcheh-ute, iphatchompi tei teidiu ahi.

Shalom Bible College



Seminar on Career Counseling

Shalom Bible College leh KSO Kana Block ho kitho khom in achesa nisim 20 June 2016 chun Twilelon B/C KBC No.12 muna Career Counseling toh kisaijin seminar ana kibol in ahi. Hichea chun Rev. Silas Jangminlen in Career in Theology kiti topic in ahungkhom khangdong hochu tilkhon na leh hilna ananei in, Pastor Onkho in jong lolhingna ding lampi komu pihna ana nei jin ahi. Chuleh, Pu Khongsai in jong secular lama career chung changa hilna ana nei jin ahi.

Church Leadership Seminar at Maphou Baptist Church

Maphou Houbung hi kum 25 jou a KBC a athah a hung lut kit u ahitoh lhon in houbung sunga kivaihom dan leh lamkai dan kihilna pehding kho haosapi Ni. Themcha Lupho in gelkhoh tah in sponsor ahin bol in chuleh Shalom Bible Collge in organised ana kibol in achesa nisim 4-5 June sungchun lolhing tah in seminar ana kibol in ahi. Mihil in Rev. Paojangam Haokip, Pastor Onkho le Rev. Silas Jangminlen hon Houbung kivaihomna (Church Administration), Gunchu leh thanom tah lhacha natosh, Lamkai Lamhil, Houbung halna dinga mipi panlah ding dan, hiche topic ho in mipi ho hilna leh tilkhouna ananei uvin ahi.

KBC Gambih No.15 PATE NIKHO PROGRAMME

Amun : Centre Church, Chavangphai Moreh

Aphat : 11:00 Am. June 19, 2016

Thupi : "Thouvin nachena ding saotah aumnalaije" I Kings 19:7

Speaker : Rev. Kamboi Chongloi, Secretary Men Department, KBC. hina in (Gambih) Centre Church Chavangphai munna mi 143 val in Pathen thu ngeitah tilkhouna thucheng eineipinao ho chung a jong ama chung a kipathu Gambih Men Dept. ten akiseijin ahi.

Chukeu hilouvin Song Competition chule adang dang jong akimangin, Gambih Men Dept. khutthem Grandsale jong akibol in nomtah le lolhingtah in ana kimanglha in Pathen thangvah in um taken.

Thangkhogin Kipgen

Secretary, Gambih Men Department, No.15.

KBC Gambih 20 Father's Day Celebration Report 2016.



Achesa nisim 17-19, 2016 sungin KBC Gambih No.20 Men Department makainan Gambih sunga Pate hon Pate Nikho Bongli B/Church mun'a lolhing tah in anakibol in, hiche chung a khonei Houbungin mipi neh dingin Bong khat atthat un kichep golseh le Competition jat chom chom jao toh thon Gambih Pastor T. Thangkhomang Haokip Speaker hinan gole dai kai jongle loupi tah in mihem 200 tobangin Pate Nikho chu ana kimangtai.

Pathenin KBC le Gambih No.20 Men Department tonsot in phatthei boh jing taken.

Pu Jamtil Haokip
Chairman, No.20.

Pu Haopu Touthang
Secretary, No. 20.

PHAIMOL BAPTIST CHURCH, KBC NO.17 PATE NIKHO, 2016 KICHAITA



Convention Men Department tohgon dungjuijin Phaimol Houbung mite in jong 2016 'Pate Nikho' loupi in Speaker Pu Hegin Haokip, Gambih Men Chairman pu in tahsa le lhagao anigel a dingin tilkhouna thu eisei peh uvin,

Chuleh, hitobanga Pate Nikho loupi theina dinga hin gong toh Convention Men Department lamkai ho chungah kakipanao kahin phong doh uve.

Convention Men Department Pathenin phatthei boh jing hen lang, machal jing taken.

Kakipah'e.

Janglet Haokip

Secretary, Phaimol B/Church, KBC No.17.

KIPA THUPHON

Tuchung Proramme kiman a hin PRIZE dei nale kitet na tah2 a kibol lou ahe in, Gambih sunga nungah/Gollhang hodinga kisuh hal nale kihet to nadia kibol ahe toh lhon in buina ema umlou in akechai tan ahe. PRIZE jonk First, second, third ti lou in kibang chat in akebol in, hijeh hin houbung sunga nungah/gollhang ho jouse chungah kipana seijoulou akiphong in ahi. Chule Function kibol na a khonei houbung ho chungah aphanao jeh in kipa thu akiphong in, Guests a eipan peh hole VIP ho jouse chungah kipa thu akisei toh lhon in Seminar ibol pih pao chungah jong kipa thu akisei in ahi.

Pathen in Gambih no.15 Phatthei boh jom jing taken kakipah e

Kamboi khongsai
Youth Chairman KBCNo.15

Douthanglen Haokip
Youth Secy. KBC no.15

The 1st KBC No.18 Gambih An-ngol Taona



Anikho : 9-11, June 2016

Amun : Haibung Baptist Church Karbi-Anglong (Assam)

Pathen jallin Gambih mite ahung kikhom doh jat mi 58 ahin, Gambih Pastor Jamminlun Kipgen lamkainan chuleh Head Deacon ho:

1. Pu Janglal Kipgen, Khoding Baptist Church
2. Pu Achon DOUNGEL, Mousang B/Church
3. Evan. Kailal Kipgen
4. Pu Senpu Haokip, Vomly B/Church
5. Pu Thanglen DOUNGEL, Zoujang B/Church
6. Pu Thanglun Kipgen, N. Molsang B/Church
7. Gambih Chairman, Pu Paothang Singson, N.Sehjang B/Church
8. Gambih Secretary, Pu Roukhum DOUNGEL, Zoujang B/Church
9. Gl. Haopu DOUNGEL BD. Zoujang B/Church

Mi hicheng hin Subject bah chom cheh a konin Pathen a kineosah tah le kisunem pumin gamsung, Houbung sung, chule Kuki Baptist Convention chule inam sung miteu dingin thumna le ngehna einei peh un chule hitobanga Pathen ang nga tohphat man chang din kinem a kin eihin doppeh uva Haibung B/Church ho chungga Gambih thalhengin, Lhagao lenggam a eidon uva (KBC Thuso) ahin nabon chao chungga kipa thu kahin phonge Pathenin napanpi taohen. Chuleh lamkai lasa a eipan peh hou chungga jong seijoulou kipathu kahin phonge. Pathenin naumpi taohen.

NB: Aban ahung kigon kit teng jongleh pan lacheh din Pakai minin temna kahin nei uve. Pathenin KBC No.18 eiumpi jing taohen.

Kakipah'e.

Natohkhompiu, Roukhum DOUNGEL
Gambih Secretary, No.18 Karbi-Anglong (Assam).

Solfa Training

Gambih No. 19 Worship Team Solfa training gambih centere E. Mulam munah 15-17 June 2016 sungin lolhing tah in ana kichai tai. Chuleh worship team member mi 14 pan analan ahi. Mihil in gollhang Haoneo Baite Music Master KBC.

Hiche kingon a Nu Hevei Haokip Saisijang in aumtalou ain neipu Pu Dousem min in Rs. 5000 in pan ahinlan chuleh Pa Mangboi Kipgen Gangpijang in Rs.1000 in eihin kithopi jalun kipathu kahinsei uve. Pathen in ainsung cheh u tanglouvin phatthei bohjing tauhen. Chuleh khotol houbung holeh Gambih Pastor Rev. Thangsei Haokip injong avat lai jousea eipanpih jal un kipathu kahinsei uve.

Pathen KBC No.19 Phatthei bohjing taken.

Helen Haokip, Youth Secretary No.19

Chate Camp

Pakaija ngailut Houbung miteho Pastor Thangtinlal Haokip, Pastor KBC Gambih No.9 vetsuina noijah 2016 a dia Kumbul Houbung Assemblyn Women Department le M/E Board kigomma Chate Camp boldia Assembly a thu passed ana kinei dungjujin June 23-26, 2016 sungin Chate Campers 200 lhingset pannan lolhingtah in chai ahitai. Chate ho Lhagaova haltah'a aumu akimun ahi.

Hiche jeh hin nithum sunga Chae Lhagao le Tahsa khantouna dia mapui le khoukhah Pathen lhacha:

1. Pastor Hegin Haokip, C/C S.Thadou veng
2. Evan. Lalboi, KBC Gambih No.8.
3. Pastor Nehlal Haokip ho chungah atom ngainao akimun kipa thu Tuinom Houbung miten KBC Thuso hi mangchan ahung kiseije.

Pathenin akinna kimang Pastor ho le Evan. pu toh Camper Chate abnchavovin phatthei boh tao hen.

Kakipah'uve.

Onkholun
Head Deacon

Hempao Khongsai
Hb. Secretary

KBC No. 19

CHATE CAMP LOLHING TAH AKICHAITA

KBC No. 19 E Mulam area Women Department tohgonna noiyin 23rd - 27th June 2016 sungin Gangpijang Houbung munna " Chate ho Pakaiya na nu na Pa thun nung un " - Eph. 6:1 mangchan Evan. Chingboi Chongloi le Evan. Boinu Hmangte Speaker hina le Gl. Paolunlal Kipgen Camp director hina in gambih sung kho 13 a kon chapang kum 7 apat kum 15 sung mi 400 val in lolhing tah in ana mangin ahi. Chuleh Chaten Tahsa le Lhagao lam in aphatchom pi lheh un ahi. Chuleh farewel nilhah in Pu Yamthong Haokip, MLA Saikul A/C le a inneipi in bongkhat in chapang ho kipana pi na jal in ankong asem in ahi. Hiche kin a a dia lamchom chom a pan hinla ho jouse chung le Khonei houbung in neh le chah kitup tah a eibol peh jal un kipahtu akiphonge.

Pathen in gambih phungvuh jing taken.

Hekim Kipgen

Women Secretary, KBC No. 19

KBC CENTRE CHURCH TUIBONG NUTE CAMP REPORT

Achesa June 14-17, 2016 sungin KBC Centre Church Tuibong Mission Board sponsored na noiya Kum Tohgon a anakinei Nute Camp chu lolhingtah in akichaiyin camper 75 vellin pan alan ahi. Camp Speaker-a eipanpeh-u Rev. D. Doungel, Pastor, KBC Centre Church, Molnoi Area le Evan. Chingboi, Child Evangelist, KBC chule Camp Director a eipanpeh-u Pastor Mangkholen Kipgen, Pastor, Wangjing Meitei Baptist Church chung a kipa thu Houbung thalhengin kahinphonge. Kipa umtah in Nute boina jeh-a pangtheilou phabep umjongleh atamjo apangtheiyun, apengthah lou tampin jong Jesu Christa ahuhhingpu dingin akisanun apengthahsa anungchon tampi jong avella lhagao dinmun kisuhchentan aneyun ahi. Camp lolhinna dinga taona a pan lajouse chung a jong kipathu kahinphonge.

Pakaija natoikhompiu,

Rev. Dr. Paotinthang Chongloi,

Pastor, KBC Centre Church, Tuibong

Youth Olympic cum Seminar & Zaai-them KBC Gambih No.15, Youth Department.



Youth Olympic cum Seminar & Zaai-them Pathen phatthei najal le pui hoi na jal in damsel in akechai tai. Nikho 22nd-25th June 2016 sungin Youth Deptt.in agon, Youth Olympic cum Seminar & Zaai-them lhenna Sahei B/C mun aum in Chief Guest: Pu Lalkholun, G/Honour: Gl. Lalminlen chule F/President: Pu Thongkholet apang uvin nilhah seh le Convention Youth Deptt.tohgon dungjuia Zaai-them lhen doh na Round 3(thum)vei aum in, Olympic sunga kichep na items Pasal a Football, volleyball, tug of war & Short put Chule numeia Volleyball, tug of war & Shortput aum in, Olympic sunga "YOUTH AND CHRISTAINITY" ti Thupi mangcha in Pastor Lunkhosei Tuboi le Gl.Lalminlen Haokip in Sermon ngai tah le Seminar ngaitah einei peh ouvin anom lhev in ahe. Houbung 9(Ko)akon nungah/Gollhang 230 tabang akikhom doh in, Achaini nilhah Closing Ceremony in Chief Guest: Pi Chinneivah Haokip chule G/Honour: Pi Hoikholhing Haokip apang lhon in ahe. Prize hop doh na aum in Olympic sunga items hoa lolhingho anoiija banghin kahin tahlang in ahe. *Football(Pasal): champion Moreh Baptist youth fellowship

Runner: H.Mongjang BYF

Volleyball(pasal): champion: Yangoutubi BYF

Runner: Canan veng BYF

Volley (Girl's): champion: Canan veng BYF

Runner: Houlenphai BYF

Zaai-them Top 3(Three)

1. Hoineilhing Baite

2. Lunminthang Haokip

3. Nemneihoi Haokip.

LUNGHEM PINA

(L) Rev. Tongkholun Haokip

1944

2016



Rev. Tongkholun Haokip hi Satkhosei chapa li lah a atahpen ahin, 10th October 1944 kumin Halup Kuki khoa anapeng in ahi. 1968-69 kum in Manipur Bible Institute Kangpokpi muna anakaijin, KBC General Assembly in 1971 kum in Pastor khat dingin appoint anabol uvin ahi. 1974 kumin Hindustan Bible Institute Madras muna G.Th course sim dingin ana vaikon in ahin vangset umtah in 1976 kuma inlanga suty ahung sungin KBC houbung sunga kinohna neo neo aumtah jeh in lamkai hon ana nungsol tapouvin, KBC sung boina hoa ana mangcha jo tauvin ahi.

1971 akon in KBC sung mun chom chom, Gambih, Centre Church, Office munho a gunchu tah in na ahin tongin, KBC chena lhongpi dungjuijin atahsa kum 60 alhintoh lhonin 2004 kumin pension ana hitai. Pension nungin KBC President in term khat ana pangin KBC gamsunga ana kimangcha jomjingin ahi. Ahin, vangset umtah in achesa nisim 17 June 2016 nichun angaitah aji, achate, aloi leh agol ho dalhan Pa koma anache masatan ahi. Ama hiche leiset ahin umtahih jongleh, atohphat naho hi KBC khang thusim a manglou ding ahitai.